

Izabrani zvaničnici odgovorni za stanje u Mostaru



U svjetlu trenutačnih štrajkova i javnih protesta u Mostaru, Ured visokog predstavnika podsjeća političke stranke koje su zastupljene u Gradskome vijeću Mostara – SDA, HDZ BiH, NSRzB, SDP, HDZ 1990, SBiH i HSP Đapić-Jurišić – da su oni odgovorni za nastalu situaciju. Njih su izabrali građani kako bi služili interesima grada. Ove stranke ne ispunjavaju svoje obveze.

Još od lokalnih izbora prije više od devet mjeseci, lideri ovih stranaka nisu održali bilo kakve ozbiljne razgovore kako bi se prevazišla situacija u Mostaru, unatoč činjenici da Gradsko vijeće još uvijek treba izabrati gradonačelnika i usvojiti proračun grada. Umjesto da im cilj bude politički dijalog, stranke koriste svaki mogući trik kako bi krivicu sa sebe prebacile jedne na druge i na OHR.

Sada, kada pritisak javnosti izazvan proračunskom krizom sve više raste, neke stranke su čak pokušale da se spasu povlačenjem iz daljnjeg sudjelovanja u Gradskom vijeću ili pozivima na nove izbore. To je neodgovorno.

OHR je i dalje spreman pomoći strankama u provođenju Statuta Grada Mostara. Međutim, OHR nije spreman prihvatiti neuspjeh političkih stranaka u ispunjavanju njihovih osnovnih obveza ili raditi posao umjesto njih.

Štrajkovi, javni protesti i mogućnost socijalnih nemira u Mostaru trebali bi biti više nego dovoljan razlog da odgovorni političari naprave konkretne korake da se ova situacija prevaziđe. S druge strane, njihovo nereagiranje dovodi u pitanje njihovu spremnost da upravljaju gradom i služe ljudima

Mostara.

OHR podsjeća te političke stranke da je blokada u Mostaru neprihvatljiva Vijeću za provedbu mira, te poziva političke lidere da poduzmu hitne korake kako bi počeli rješavati ovu situaciju.